

欽定戶部漕運全書

欽定戶部漕運全書卷四十目錄

漕運河道

運河總考

運河續考

大通河考

百河考

衛河考

會通河考

新河考

泃河考

中河阜河考

運河總考

自元代定鼎燕都資粟東南故北之通會河南
之會通河其創制多自元始然其時海河並運
水陸兼行河道初開岸狹水淺不能負重每歲
僅運數十萬石漕河之例未備也明白永樂九
年後因元人舊制益爲疏濬浮江涉淮汴河逾
濟北達漳衛我

朝監元明而增善其制歲運京通倉者數百萬漕
河洵

國計民生所重繫焉約而論之山東河南淮北之粟既各由近道以達於京其由江入淮諸省漕艘皆以揚州爲咽喉浙西之粟由瓜洲以達揚湖廣江西及上江之粟由儀徵以達揚自揚州經高郵寶應以達淮安計三百餘里淮安城西卽明平江伯陳瑄所濬之清江浦也由清江入淮稍折而北乃爲清口正淮黃會合之地由清口渡黃歷清河宿遷而達邳州之泇口計二百餘里則

國朝康熙時所開之中河阜河也自泃口過黃林莊經山東臺莊八閘過微山湖而抵江南沛縣之夏鎮則明河臣李化龍所開之泃河也自夏鎮經獨山昭陽諸湖而抵山東魚臺縣之南陽鎮計一百一十二里則明河臣朱衡所開之新河也自南陽鎮入濟寧州經南旺湖分水過東昌而抵臨清州計五百餘里則元代所開之會通河也由臨清歷武城夏津德州入直隸之景州吳橋東光寧津而抵天津計一千餘里皆衛

河也天津而北經直沽河西務而至通州之張家灣計二百八十里則白河也由張家灣入大通河歷普濟平津慶豐諸閘則至大通橋而通京倉矣夫漕河歷代皆由人力開引故沿途多借資他澤白瓜儀至淮安則南資高寶諸湖之水西資清口所入之淮水自清口至濟寧則資沂泗諸水自濟寧至臨清則資汶河及充沂諸泉水水盛則防其衝決水淺則防其滯涸爰開引河以暢其流築堤壩以備衝洩設閘板以謹

收放我

朝

列聖宵旰籌畫精詳司事之臣惟有實心保固因時制宜庶運道永有安瀾之床而糧艘悉獲駛行之利哉

運河續考

運河之防黃遏也向在江北清河縣河口灌塘
濟運之法立宜可恃以通漕矣咸豐元年黃河
決豐北三年再決河運艱而海運興時黃河猶
南趨也五年六月河決河南之銅瓦廂遂由張
秋穿運入大清河以趨海其時中原軍務未平
全賴海運東南之粟上達

天庾同治四年廷議海河並運而黃河北行張秋八
里廟安山一帶隄工廢弛十有餘年河流浩無

津涯爲患更甚於清口蓋自清口成平陸而河患劇於山東自是籌修運道注意於黃河穿運之區惟河流穿運屢無定所同治七年河決趙王河之紅川口大溜漸至安山沈家口一帶猶在分水口之北十年八月又決鄆城之侯家林漫水下注爲患於分水口以南十二年又決東明石莊戶漫溢入東省自濟甯至宿遷運河南北長隄衝刷殆盡皆隨決隨堵逼水北趨而張秋上下數百里濟甯臨清之間或漲或淤倏經

廿載最有妨於漕行焉河流自西而東漕舟南來當伏漲盛時逕由安山戴廟姜莊渡黃而北厯十八九缺口急溜奔濤之險始至八里廟待攔黃壩啟以達張秋安山戴廟時患沙淤漕行或繞鹽河至八里廟入運以達張秋口門或繞坡河至八里廟計程或百餘里或數十里隨時變更以利運總以八里廟爲入運咽喉此銅瓦廂旣決之後張秋以南之大概也山東運河以汶水爲上源汶水南旺正當水脊卽分水口南

旺以北水恆不足黃水又挾北流之汶水以東
去張秋以北之運河僅恃黃河旁溢之水爲來
源東阿陽穀聊城堂邑博平清平六縣內之河
道沙淤河高歲加挑濬猶必待黃水盛時方資
浮送此張秋以北借黃濟運之大概也濟甯以
南自台莊八閘至韓莊兩岸河隄猶存而韓莊
迤上有時宜繞微山昭陽南旺三湖者須俟風
以北行此又漕舟入東境運河之大概也江北
運河亦稱南河咸豐六年有小六堡之潰同治

五年有清水潭之潰河畧淤淺尙不至於膠舟
高郵寶應一帶西隄殘缺湖河間有相連之處
清口自黃河北徙順清河已與中河口通船行
無阻約而言之二千餘里之運河變遷於三十
年中者如是而河流改道挾汝東趨又爲變遷
之大者夫東境之河患不治則運道不能暢行
雖近年河運漕粟不多而沿途之間壩藉以修
築懋遷之貨物藉以流通亦因時制宜計也然
則河運顧可廢乎哉

大通河考

大通河舊名通會河又曰裏漕河乃元至正二十九年春都水監郭守敬所開也源出昌平州白浮村神山泉西南會一畝馬眼諸泉又經玉泉山東繞甕山今名萬壽山匯爲七里凼東入都城又匯爲積水潭南出玉河橋水門合南北城河經大通橋而東至通州高麗莊與白河會凡一百六十里一百四步每十里設一閘以免漕運陸輓之勞時漕舟可以直達城內之積水潭明

永樂間諸閘猶存不以濟運且以積水潭在禁城內漕舟旣集不便停泊又分流入大內然後南出啟閉蓄洩尤多未便故通會河漸淤嘉靖六年始濬大通橋起至通州城北之石壩凡四十里因地勢高下修慶豐上下二閘平津上中下三閘又東爲普濟閘以蓄水

國朝乾隆年間擴萬壽山之西湖爲昆明湖分水東注而大通河之上流益暢焉

白河考

白河卽北運河古沽水也亦曰潞河源出宣化府赤城縣之湯泉流經塞外入密雲縣之石塘嶺過縣西入通州界其支流亦從石塘嶺過懷柔縣西順義縣東入通州東境合焉東南經涿縣武清而入直沽凡三百六十里合衛河入海按直沽入海之地白河自北來衛河自南來了字沽子牙河諸水自西來衆川奔會白河又會潮榆桑乾通會之水源高勢峻有若建瓴每夏

秋暴漲最易衝決明季從水部議挑通州至天津白河深四尺五寸所挑河土卽築堤兩岸

國朝康熙三十九年

聖祖仁皇帝親臨閱視於武清縣筐兒港建減水石壩開引河夾以長堤而注之塌河淀由賈家沽以入海楊村上下百餘里河平堤固有

御製碑文誌其事康熙五十年以河西務工程緊要復開務城東至三里屯河長四百餘丈雍正四年從怡賢親王議拓筐兒港舊壩闊六十丈展引

河改築長堤七年疏濬賈家沽道壩門以下河水安流而河西務一帶距壩稍遠山水暴至又復漫溢

世宗憲皇帝指授方畧於河西務上流之青龍灣建壩四十丈開引河而注之七里海仍展開寧車沽河導七里海水而洩之北塘口上下分洩運道民生均獲安謐云

衛河考

衛河卽南運河也源出河南衛輝府輝縣之蘇

門山百門泉

泉在輝縣城西北七里

經新鄉縣北過衛輝

府東北入濬縣及直隸大名境謂之白溝河

此南

白溝河也與北白溝河異

淇水入焉本西漢時大河所經後

漢建安時亦嘗由此運漕隋大業中役丁夫百

萬引白溝爲永濟渠亦曰御河由南達北幾二

千里宋皇祐初河合永濟渠仍爲大河所經南

渡後大河南徙而衛河如故金元以來皆漕運

所經也今衛河由濬縣經大名府東北流與屯氏河相接歷山東東昌府館陶縣漳河合焉又東北流至臨清州西與元人所開會通河合始爲運道由臨清州板閘至德州柘園計長三百五十里由柘園入直隸界經吳橋東光交河南皮滄州青縣靜海至天津又六百餘里元初漕舟由黃河至封邱陸運百八十里由淇門入御河以達京師蓋用衛河之全也今自臨清始入衛河蓋用衛河之半云前明於衛河開減水河

二一在滄州南十五里一在故興濟縣南以備
衛河泛溢久而湮塞

國朝雍正三年怡賢親王奉

命開減水河二河各建滾水石壩挑濬舊河分道入海
衛河北至天津始無中路泛溢之虞矣

會通河考

運河自濟寧州之南陽鎮北至臨清州之板閘凡五百餘里皆會通河也以其沿途置閘故又名曰閘河以其兼資汶泗洸沂諸泉水故又名曰泉河元初轉漕之路自浙西入江淮由黃河至中灣登陸以至淇門復由衛河登舟以達燕京至元二十年以江淮水運不通命兵部尙書李粵魯赤等自濟寧州開河達於東平州之安民山凡一百五十餘里北至奉符爲一閘曰埧

城以導汶水入洸東北自兗州爲二閘曰金口

曰黑風口以遏泗沂二水會洸合而出於濟寧

之會源閘

按會源閘卽今之天井閘

分流南北南自任城至

沽頭

按在城卽今濟寧州沽頭在沛縣

其西北流者至安民山

入清濟故瀆

按清濟卽今之大清河

經東阿至利津入海

其後海口沙淤又從東阿舍舟陸運經二百里

抵臨清以下御河至元二十六年從壽張縣尹

韓仲暉太醫院令邊源之請復自安民山西南

開河由壽張西北經東昌以至臨清凡二百五

十里引汶絕濟直歸漳衛名會通河明洪武初
河決原武黑羊山漫過安山湖而會通河漸淤
永樂九年因濟寧州同知潘叔正言遣尙書朱
禮疏濬會通河故道禮以會通之源必資汶水
乃從汶上老人白英計於寧陽之北築埝城壩
以遏其入洸之流於坎河之西築戴村壩以阻
其入海之路使全汶西南流由黑馬溝至汶上
之南旺口分而爲二北流抵臨津者十之六南
流達濟寧者十之四

按今分口流北者十之三
流南者十之七因地勢北

高南下
故變焉

又浚沙河以益汶開汶上袁家口新河

左徙二十里至壽張之沙灣以接舊河而會通
河以復焉然河源之最微者莫如會通全資南
旺蜀山安山馬踏諸湖以爲之儲蓄諸湖水大
則運河易衝決故壩以障其入諸湖水小則運
河愈微故壩以障其出流駛而不積則涸故秋
後則閉閘以待其盈春後則開之以濟運閘之
減水者謂之陡壘閘之蓄水者謂之涵洞沙淤
之處則令近河各州縣按里設夫以時其挑濬

此治會通河之大畧也

新河考

新河者明河臣朱衡所開以避黃利運者也元時糧艘過淮由黃河行七百里至永樂九年會通河成其運道從黃河之栲栳灣經呂梁百步二洪出邳州城東北大浮橋歷小浮橋至茶城乃爲北接開河之口又六十餘里至沛縣之沽頭間又六十餘里入魚臺縣界嘉靖七年河決曹單入沛縣之昭陽湖沙泥集壅運道大阻廷臣胡世凝等言宜於昭陽湖東岸滕沛魚臺鄒

縣地方名獨山新安社諸處別開一河南接甯

城

按甯城在浩頭
開南二十里

北接沙河口二處舊河所謂

不與水爭地也旋爲異議所阻至嘉靖四十五年河決運阻工部尙書朱衡謂黃水難消惟此地形高土堅且河路徑捷輓輸更便乃加力開濬創利建珠梅夏鎮柳莊四閘並砌馬家橋石隄開東邵王家等河以洩沙薛兩河之水其昭陽湖之積水復大挑回同墓河以瀉之由此運道由新河其河起南陽至夏鎮一百十二里又

接夏鎮之雷城三十餘里然夏鎮以南地逼於黃不勝黃水之灌於是李化龍等復議開洳河以避之故至今用爲運道者惟自南陽迄夏鎮焉

泃河考

泃河者明河臣李化龍所開以避黃利運者也
以東西兩泃水得名東泃發源費縣箕山經沂
州卞莊而南西泃出嶧縣抱犢山東南流至三
合村與東泃合又南合武河至邳州入泗謂之
泃口明初運道經徐州呂梁二洪縣流水險隆
慶初都御史翁大立屢請開泃自馬家橋至邳
州以避二洪之險因經費難籌而止萬厯二十
一年汶泗泛濫堤潰運阻挑韓莊中心溝通彭

河水道以入黃而泃口始開其後二十五年河
決黃移二洪告涸乃令河臣劉東星尋韓莊故
道鑿良城候遷閘及挑萬莊由黃泥灣至宿遷
董家口而泃脉始通至三十年河決沛縣由昭
陽湖穿夏鎮橫衝運道總河李化龍乃復請開
泃行運自夏鎮迄於董口綿亘二百六十里以
避黃河三百六十里之險改李家港以避河淤
開王市田家口以遠湖險中鑿祁山以展河渠
建韓莊候遷頓莊丁廟萬年德勝張莊等八閘

以節宣水利漕臣楊一鵬復行修改避灣取直糧艘遄行尤爲便捷河臣曹時聘大加展拓建壩遏沙修堤度緯而洳爲坦途矣

國朝乾隆二十三年於湖口開迤北建滾水石壩水大則漫壩宣洩水小則收蓄濟運漕運民田均資利賴

中河阜河考

明代泃河旣開自夏鎮達於直河口不由徐呂
二洪避黃河之險者三百里後直河口塞改行
董口

國朝康熙六年董口復淤遂取道於駱馬湖渡黃
二百里復由汪洋湖面行四十里始得溝又二
十里始至泃口第駱馬湖本窪田也因明季黃
水漫溢停積而成湖又易淤塞十八年前總河
靳輔請於宿遷邑西北四十里阜河集因舊河

形而通之南起阜河口北至溫家溝築堤四千
八百丈又自溫溝歷密灣計四十里建減水大
壩三座以洩山泉暴漲其貓兒窩至唐宋山則
堤之更於阜河以東挑支河一道歷龍岡企路
口以至張家莊出口是爲張莊運口蓋自阜河
成而泃河之尾間復通焉自清口以達張莊運
口河道尙長二百里每遇風濤動多淹滯康熙
二十六年復奉

命於黃河北岸遙縷二堤之內加挑中河一道上接張

莊蓮口下厯桃清山安之地以達於海而於清
口對岸清河縣西仲家莊建大石閘一座糧艘
一出清口卽截流逕渡由仲家莊直入中河北
上至康熙二十七年而運道之厯黃河者僅七
里矣又開鹽河一道自清河縣起至安東潮河
入海用洩異漲三十八年總河于成龍復於中
河南岸挑新中河一道旋合兩新河爲一康熙
四十二年

聖駕巡視南河以仲莊開口與清口相值仲莊水勢衝

激逼溜難行清口不得暢出

諭總河張鵬翮改建運口於楊家莊起黃河岸至中河

鹽壩挑引河一道更築南北堤岸建

御示閘及花家鹽壩自是清水暢流蓄洩有賴矣康熙

六十一年又於中河北近泃河之地徐家口迤

上改挑越河一道接彭家口行通雍正二年於

徐家口勝羊山大王廟三處建立河清河定河

成石壩三座五年建駱馬湖側之王家溝五孔

石閘十年修駱馬湖竹絡壩水利今竹絡壩堵

閉黃河水無涓滴入運河者

欽定戶部漕運全書卷四十一目錄

漕運河道

淮安運河考

高寶運河考

瓜儀運河考

丹陽運河考

蘇州運河考

浙江運河考

上江運道考

金匱要略卷之二十一
江西運道考

湖北運道考

湖南運道考

汶河考

洸河考

泗河考

沂河考

徐呂二洪考

河閘禁令

淮安運河考

黃河發源崑崙歷龍門孟津過淮安

入海

河發源桐柏歷潁州泗州亦過淮安而入海清

口者淮黃交匯之區也洪澤湖者淮水滯匯之

大澤也淮水通江爲運道自春秋吳城邗溝始

淮安西南隅築高家堰自漢陳登始開沙河以

避淮險自宋漕臣劉蠡始明永樂十四年陳瑄

因沙河之舊鑿清江浦引運艘由江入淮設河

口闢新莊閘

卽天妃閘

以時啟閉自新莊而東因其

高卑遞爲福興清江移風等閘由府南淮陰驛而合於黃河又慮黃河漲溢南侵漕河於是堤黃河南岸四十里以防之又慮淮河漲溢北侵漕河於是加築高家堰長二十六里以防之又於城東北置仁義二壩以便運船入淮於城西北置禮智信三壩以便官民商船入淮所謂淮安五壩也其後景泰宏治隆慶年間屢於屢修嘉靖年間廢新莊閘改置通濟閘於三里溝萬歷年間開草灣河以緩清口之衝並立板閘後

潘季馴築高家堰起新莊至越城長一萬八百七十餘丈堰成淮水復由清口會黃入海復奏遷通濟閘於甘羅城南又改福興閘於壽州廠適中之處移築仁義二壩於天妃閘內開新河於府南窰灣至武家灣曰永濟河置三閘以備清江浦之險黃河不復衝決運道安流至明末而閘壩之禁弛矣我

朝修復舊規康熙年間就原基建福興新莊板閘等閘又於清口築壩以禦洪流重運過完則閉

霜降水落則開又慮官民船隻難以守候乃修
七里墩閘使洪澤湖水由此進口由新河文華
寺入運口壩雖築舟行如故嗣因河潰閘淤酌
改運口於爛泥淺之上自新莊閘西南挑河一
道至太平壩又從文華寺永濟河頭起挑引河
一道南經七里閘復轉而西南接太平壩俱達
爛泥淺兩渠並行以舒急溜而爛泥淺一河分
其十之二以轉運仍挾其十之八以射黃使運
水出清口甚便而黃河不能內灌康熙二十二

年以天妃閘水勢湍急改爲草壩另設七里太平二閘三十八年將清口之西壩臺添挑水壩比東壩臺加長包裹清口在內於洪澤湖水深之處開成直河使洪湖暢流於黃河灣曲直挑引河使各險所不得受衝並修築歸仁堤以防潰決四十年挑張福口引河導清水入運於張福裴家場之間開引河一道會諸引河水併力敵黃四十五年於高堰三壩之下各挑河築堤束水入高郵諸湖又於文華寺建減水閘開浚

引河分運河漲水由楊家廟等處入白馬湖四十六年於蔣家壩開河建閘引水由人字河等處下江由下河等處入海五十七年於清口舊西壩接築草壩一座以束清水雍正元年於清口東壩接築大壩一座西壩加築長二十四丈雍正四年加高高家堰土堤七年大修高家堰石隄移建天妃閘於二草壩下北岸隄內挑引河一道十年修築龍王廟閘利濟漕運乾隆二十七年

聖駕南巡閱視清口

命河臣以五壩長水尺寸定東西二壩之拆築將洪澤湖水預行騰空俾伏秋汎漲有所容納徐由張福口天然河張家莊裴家場天賜河爛泥淺三岔河七處引河合流下注三分入運七分敵黃河流安瀾而下河州縣歲慶有秋焉嘉慶八年酌增南河堵壩料價道光四年冬高家堰決口五年以修砌高堰甫成清水未暢偕黃濟運河道艱阻乃以盤壩接運歲其事六年遵

諭旨以蘇松常鎮太四府一州糧山海運各省之糧
仍由河運七年遵

旨全漕仍由河運以黃水未能低平禦黃壩旋啟復
閉乃用倒塘濟運於壩外築塘引水灌滿先開
壩放船數百隻入塘仍行堵壩俟船出塘後復
開壩輪放運船數千隻亦得次第渡黃俟將來
沙退黃平清水暢出糧舟仍可駛行矣

高寶運河考

自清口引淮爲清江浦至烏沙河匯管家白馬
二湖及寶應縣槐角樓南諸河相接西抵泗州
盱眙縣界皆運道所經明洪武九年用老人柏
叢桂策就湖外穿渠築長隄南北四十里引水
於內以便舟楫宣德七年平江伯陳瑄復築諸
湖長隄隄下皆置涵洞互相灌注成化間造高
家潭等處石隄二十餘里其南高郵邵伯等湖
皆有石隄運船觸隄往往撞壞宏治間戶部侍

郎白昂奏開復河以避其險曰康濟河南北置
閘以時啟閉兩岸甃以石嘉靖五年於汜光湖
東傍隄開新河三十里遂棄康濟河又寶應縣
至界首凡有溝河通注於海者造平水閘十座
十年又於寶應湖東築越隄長二十一里萬厯
五年淮水由黃浦口決入石隄多壞七年修築
改建減水閘四座加高石閘九座寶應諸河隄
岸相接十二年於石壩東傍隄開新河三十餘
里以避槐角樓一帶之險曰洪濟河

國朝康熙十六年堵塞高郵州之清水潭更於湖
中遶迴開河一道改築東西隄名曰永安河十
九年再置滾水壩於高郵城南八里二十年增
置高郵南北滾水壩前後凡八座創建寶應子
嬰溝高郵永平港南關八里舖柏家墩江都鮑
魚口減水壩共六座三十七年江都漫決運道
阻滯三十九年從西岸遶挑越河一道下埽堵
築攔河兩壩漕艘安行又大修運河隄岸築永
安界首及秤鈎灣等處石工改五減水壩爲四

滾水壩挑人字河鳳凰橋等處以洩高邵漲水
由金灣入芒稻河注江挑蝦鬚二溝以洩山寶
諸水由涇澗二河入射陽湖歸海四十一年建
七里閘陸漫閘十四年於高郵滾壩下各挑
河築隄由串場河歸海四十八年修復黃浦雙
閘開放宣洩水入蜆蠃由鹽城馬家蕩入蝦鬚
溝五十八年修築南關五里車邏三大壩雍正
九年移建竹絡壩於舊壩北首並挑引河入青
蕩湖由汜光湖入高郵湖

瓜儀運河考

春秋傳吳城邗溝通江淮杜注謂自邗江

在今揚州

穿溝通射陽湖

在今淮安

爲入淮運道此瓜儀運河

所由昉也宋時嘗建三閘於儀徵明洪武中卽

其地築爲壩永樂間海運旣罷專行河運浙西

之粟一百六十餘萬石由瓜洲壩以達於揚州

上江及江西湖廣之粟八十八萬餘石由儀徵

壩以達於揚州瓜儀洵運道之襟喉矣宏治元

年始建東關羅泗二閘十二年復於濱江建攔

潮閘潮長開閘放船潮退盤壩隆慶六年自時
家洲以達花園港開渠六里有奇建瓜洲通江
閘二座以免船隻盤撥之苦萬厯五年於瓜洲
開港塢以泊運船

國朝康熙二十八年於儀徵閘外江口北新洲挑
舊河身直通四閘一切糧艘俱從沙漫洲轉入
新河口五十四年因江溜北徙將頭閘堵閉挑
達城越河一道改爲運口五十五年加築瓜洲
花園港越隄修砌達城河岸石工以禦大江衝

制五十七年又建花園港重隄於正人洲挑引
河二道以煞江溜六十一年建築花園港西邱
家港挑土水壩二座雍正六年以瓜洲新改運
口逼近城垣水勢洶湧舊運口地勢高敞河形
亦寬復將所改之運口堵閉挑深舊有運河令
糧艘仍由故道而行於閘外建築夾壩二道攔
河柴壩一道雍正八年以閘河水無關蓄淮流
直注勢若建瓴於瓜洲頂閘之上青運庵起至
尤家碾止開挑越河一道建蓄水草壩於河上

以利漕運

丹陽運河考

自六朝都建康凡三吳船避京江之險乃於丹陽鑿運瀆隋唐宋元諸朝屢加修治然自常州至丹陽河道淤淺歲費工力明正統初巡撫周忱經理運道於武進奔牛呂城設爲閘壩俾漕艘由京口出江最稱便利迨景泰間閘壩漸頽水道淤淺有議從蔡涇孟瀆出江者因泊海洋舟多覆溺仍從周忱故道增置五閘

國朝康熙四十七年在丹陽練湖造湖閘四座又

修造丹徒京口老人二閘蓄水以濟漕運

蘇州運河考

自隋大業中將東巡會稽開餘杭河至京口八
百餘里後代因之爲轉輸之道此蘇州運河所
以通於浙也浙運由嘉興府厯王家涇北行至
吳江縣境之平望鎮者曰南塘河由湖州府南
潯鎮東行經鶯脰湖至平望鎮而與南塘合者
曰西塘河二河旣合曰官塘河西北行四十里
至吳江縣城東又引而西北曰北塘河又二十
里曰夾浦自吳江縣三里橋至此水淺不及丈

然南有震澤湖水勢澎湃故夾浦橋屢建屢圯

又北經蘇州城西鮎魚口

太湖分流

由盤塘入之北

至楓橋水不及丈又北則過常州府而至丹陽

浙江運河考

浙江運河之水發源於天目山

兩峰頂各一池相對如月故名

而宣歙以東富陽以北支分幹流衆川爲緯運

河爲經自宋淳熙時都臨安

卽杭州府

浚北郭務至

鎮江漕渠凡六百四十里今自北郭務至謝村

爲十二里洋爲唐棲河水深闊德清之水入之

又過北陸橋入石門過松老抵高新橋海寧支

河通之繞石門城南轉東北至小陽橋水淺時

資挑濬東北石門橋北至阜林驛水深者及丈

過永新入秀水界自趙橋鎮至陸門鎮河俱闊
又北由嘉興府城西轉而北出杉青閘至王江
涇鎮闊六七丈不等深者至二丈許又北爲平
望鎮湖州運艘由驚胆湖西出會之已入江南
境矣

上江運道考

安慶府大江自小孤山匯彭澤潯陽而來經宿
松望江下至府城東北流九十里經桐城縣之
樅陽口又四十里經池州府之青溪又四十里
至梅根港江岸頗狹又東北二十里爲大通驛
又三十里經銅陵縣城北又六十里爲荻港驛
其北岸爲泥汊河又八十里爲三山夾洲又三
十里經魯港至蕪湖縣又北二十里爲東梁山
其北岸爲西梁山臨江對峙所謂天門博望之

險也又北四十里經采石磯亦名牛渚又北二十里經太平府城西又東北五十里經烈山入江寧府界又五十里至龍江關

在江寧府儀鳳門外

又五

十里至龍潭驛又東北五十里則抵儀徵壩矣

江西運道考

江西之川莫大於贛水彭蠡湖潯陽江而漕運皆必經焉贛水合章貢而得名章水出湖廣郴州自宜章縣入江西貢水出福建汀洲至贛州城北而與章水合漸流至南昌府運道由南昌府入贛江行一百二十里至昌邑又一百里入罌子口蓋彭蠡湖周圍四百五十里浸南昌饒州南康九江四郡之境其西北狹處在南昌南康二郡之界者謂之罌子口由罌口厯左蠡至

南康府六十里又六十里至大孤塘又五十里
至九江之湖口縣乃會於九江九江卽潯陽江
也又東北六十里經彭澤縣自彭澤而東北凡
百二十里至望江縣之雷港口入江南界又東
北二十里爲東流縣又東北九十里江之北岸
卽安慶府城以下運道與安慶府同

湖北運道考

漢水出於陝西之嶓冢東南流千餘里江水出於四川之岷山東流二千餘里會於夏口

卽漢口

夏口之兩岸卽湖北武昌漢陽二府城也糧艘由武漢入江東折出漢口三十里曰青山磯又三十里爲黃岡縣之陽邏鎮又八十里爲團風鎮又五十里經黃州城西對岸則武昌西山也又四十里經蘄水縣之巴河又三十里爲蘭溪又四十里曰黃石港又三十里曰道士洑又五

十里至蘄州城南又東南五十里至興國州之
富池驛其南岸卽江西瑞昌縣境由富池東南
行六十里經廣濟縣之龍平鎮又東南十里經
黃梅縣之新開口鎮又東南五十里卽江西九
江府城也自龍平至九江江邊有路曰官牌夾
若大水時由夾中行自龍平至九江不及五十
里自九江城東行六十里至湖口縣城北以下
運道與江西至安慶道同

湖南運道考

湖南運道由湘水過洞庭湖由洞庭湖入江湖
水出廣西之海陽山至永州府始會瀟水謂之
瀟湘過衡山北流至長沙府運船由長沙府城
外入湘北行百二十里至湘陰縣境又六十里
至黃陵山過青草湖青草湖與洞庭相連洞庭
卽禹貢所謂九江也漢許慎謂合沅漸瀘辰溆
西澧瀘湘九水東入於江故謂之九江洞庭湖
圍三百六十里南有青草湖圍二百六十五里

西有赤沙湖圍百七十里當夏秋水泛則與洞庭爲一故洞庭湖橫七八百里由青草過洞庭一百六十里至岳陽府之荊江口始入於江又東七十餘里至臨湘縣境又東百十里至嘉魚縣之石頭驛

即赤壁山

又東北七十里至嘉魚縣城

又東北九十里至簪頭鎮又九十里至金口驛

又六十里經漢陽府城東北之大別山東折而

北會於漢水卽漢口也其東岸卽武昌府焉以

下運道與湖北同

以上新增修
政共十八條

汶河考

汶河水有數源一出新泰縣宮山之下曰小汶
河一出泰安州仙臺嶺一出萊蕪縣原山一出
萊蕪縣寨子村俱至靜封鎮合流曰大汶河遶
出徂萊山之陽而小汶來會至寧陽西北分而
爲二其一爲元朝所改由埧城南流別爲洸水
其一由埧城西流會坎河諸泉入大清河由東
阿而北至利津入海此故道也明永樂中開會
通河乃於寧陽之北築埧城壩阻汶入洸於東

平州坎河之西築戴村壩阻汶會濟使其全流
盡入汶上城北二十五里受濼淄諸泉謂之魯
溝又西南流會草橋河白馬河鵞湖黑馬溝至
南旺入於漕以濟運道

洸河考

洸河本汶河南出之支流出寧陽縣埭城壩自壩下西南會諸泉水經滋陽入濟寧州至洸河口會泗水遶州之城北經夏家橋分爲一支北支入馬場湖南支由會通橋入運河

泗河考

泗河源出泗水縣東陪尾山四泉並發故名泗水循西流過卞莊城始合爲一又西流至兗州府城東轉南流經橫河與沂水合元導之以濟運乃於兗州府東門外作金口閘遏令東入府城又轉南流爲洸河以入濟寧天津閘前明增修閘口夏秋水潦開閘洩水南流會沂水由港里河入師家莊閘河冬春水微閉閘遏水從府城出濟寧入漕

沂河考

沂河源有二其一出曲阜縣尼山西南流與泗水合分爲二股一西流金口閘入天井一南流會泗水下師家莊閘河其一出沂水縣會蒙陰沂水諸泉合流至邳州入淮當沭河未開之先邳州運道惟沂水是賴自沭河開而邳州之沂水遂導由駱馬湖出董陳二溝以入於黃焉

徐呂二洪

徐州有二洪一以州名一以山名明初運行徐州大浮橋經徐呂二洪懸水三十仞歷黃河險溜五百餘里迨泲河開各省糧船俱不過洪惟徐壽二衢由之按徐州洪乃汴水泗水交會之處水中亂石巉巖與驚湍相激水性最急自開泲河運漕大浮橋淤墊夏鎮迤南煞壩使泗水盡由泲河下注濟運而昭陽微山諸湖之水由張孤山荊山口等處入彭家河歸碯灣口運河

濟運而徐州洪水性遂平呂梁洪原係清水河
自汴梁至徐州聚會泗水由呂洪而東下唐宋
以前多有怪石船隻經此最險及黃河南遷怪
石雖沙淤無形而水性猶多急湍明成化間主
事費瑄疊石爲堤歸水於洪呂梁之險十去五

六

國朝南岸有汰黃堤並小店工程北岸有羣山圍
繞使水性順而河流深徐壽二幫糧船由此南
下歷邱睢至宿遷入竹絡壩駱馬湖口北上而

無患矣

按壽州衛後歸併長淮衛為長淮三長

淮四二幫輪兌徐糧自竹絡壩增後徐
州江北幫及長淮輪兌之幫俱自楊莊口門入
運運道險遠迂迴乾隆二十五年總漕楊錫紱
奏准該二幫船隻卽以阜河為水次其應兌徐
州米石用小船撥至阜河盤入軍船永無險遠
之患。以上舊案

五條錄存備查

河閘禁令

一凡內外顯要官員多置船隻縱容家人於漕運河道往來貿易奸棍假借名色恃強闖閘及欽差赴任官員額外私帶貨物者河道等官指名呈報河漕總督叅處倘有徇情不報一併題叅如已經呈報而總河總漕徇情不舉事發一併治罪

載在
會典

一運官停泊漕船不聽督催凌辱閘官責打閘夫及代去閘板洩水悞漕者革職究議

載在
會典

一凡運糧解送官物並官員商賈軍民船隻行
到開河舊例積水至六七板方許開閘放行卽
因公差遣亦不許違例開閘進解緊要者不在
禁例順治十三年題准自臨清磚閘南至揚州
瓜儀各閘查照舊例勒石禁約如有凌駕爭擠
擅開閘板走洩水利致漕船淺攔遲滯者總漕
總河指實題叅康熙三十五年欽奉

諭旨遣官封閘必俟水滿開閘著漕船行走雖奉差緊
要事務如水不滿亦不許開閘果有緊急由陸路行

走內廷需用之物停其解送欽此

一臺莊以北臨清以南惟恃諸泉之水會流南
旺濟運而滿漢官差船隻每到開口渴令起板
積水既洩糧船不免淺擱應照例刊刻紅牌豎
立各閘除急差與緊急兵船暫讓行走外其餘
船隻一體遵守如有不遵河道總督據實題叅

康熙
二年

一天如閘自六月下旬至九月築壩閉閘其餘
月分俱去壩用閘康熙七年經御史徐樾疏請

仍照舊例工部議覆天妃閘若閉則裏河乾涸
運船阻滯若仍復挑需用錢糧甚多空費民力
以後不必閉閘

一漕船定有程限各處兵船行至閘河務隨漕
啟閉行泊如有鉏鎖掀板任意爭鬪者該督指

叅該管官嚴加議處

康熙二十一年

一通州至大通橋河道康熙三十五年奉

旨准令民船貿易行走若遇糧船緊急之時貿易小船

暫行禁止欽此

一自臨清至天妃關相距八百里舊例每遇水淺一時盡封康熙四十五年欽奉

諭旨從上流封閘蓄水俟水滿後再開一閘放糧船過其他船隻不許混放欽此

一康熙五十三年題准漕船守閘等候齊幫及山水漲發開溜難行并撞沉搶修事出意外均耽時日卽於單內註明免其查叅

一南旺臨清大挑及各處河官挑濬本境淤淺築壩未開之前一切船隻不許先期逼勒開壩

貽誤工程康熙五十四年欽奉

諭旨大挑動工之日一應往來船隻概行禁止滿洲兵
船回空船隻有恃強開壩者拏解究處欽此

一開座啟閉舊例先放糧艘次及官商民船康熙
五十四年欽奉

諭旨河路民船往來輻輳糧船旂丁往往遼遠攔阻殊
非便民之意以後遇漕運行時民船亦聽其隨空行
走欽此

一山東運河全賴泉泉流蓄微山諸湖以濟漕

運康熙六十年欽奉

諭旨不許民間偷截水泉其分水龍王廟閘座關係緊要宜斟酌啟閉洩於南則閉北閘洩於北則閉南閘使湖泉並注南北合流欽此

一山東運河全賴諸湖蓄水以資灌注嗣因淤積附近居民或佔成田地以致水小不能濟運
雍正元年奉

旨嚴禁嗣後如有侵佔查出將沿河該管地方各官指名題叅如該上司徇庇隱匿將該管上司並督撫一

併嚴加議處欽此

一衛河之水漕運攸關而沿河民田又藉灌溉
偶遇夏秋水涸不無盜流之弊雍正二年

命戶部侍郎趙殿最等會看奏准在於館陶臨清二處
各立一水則每歲豫省派委賢能之員會同山
東管河道於漕船將抵臨清之候將運河水勢
或係暢流平流澀流之處驗看確實將百泉等
處渠閘隨時啟閉該管河道加緊查察倘有私
自啟板及挖洩等弊卽行詳報督撫嚴拏究治

官吏失察賄縱該督撫訪實照例叅革究治嗣因各泉水勢強弱難必乾隆三年奏准不必立定水則總令河東二省河道上河衛河通判不時查勘水勢情形相機啟閉務使漕運民田雨無所害

一衛河之水既濟北漕運道兼溉輝縣安陽河內三縣民田舊例如雨水霑足之年於三月初用竹絡裝石橫塞入河渠使水歸小丹河入衛畱涓涓之水溉地倘亢旱之年三月初一日起

至五月十五日止三日放水濟運一日塞口灌
田其輝縣之捌刀泉安陽縣之萬金渠亦一併
相時塞開通渠雍正二年題准小丹河辛勾口
至清化鎮並捌刀泉五閘及萬金渠洹河二閘
照官三民一之例於糧船償行之期委官親至
水口秉公啟閉雍正三年以衛河百泉洹河丹
河之水三日濟運一日灌田有名無實題定將
百泉之水分作三渠中爲官渠東西各開一渠
爲民渠萬金渠口東南許民自築石壩開一小

渠一分灌田三分濟運小丹河上下開寬秦董
二渠口門分水灌漑堵塞河內分灌民田之十
六口門俾小丹河之水盡入衛河濟運庶運道
民田兩有裨益

一空重糧船務令銜尾停泊不許橫截河心違
者究治該管官稍有疎縱題叅議處

雍正六年

一漕船北上之先總河總漕按閘委員專司啟
閉兼稽查短絳人夫秉公約束如有仍前開閘
者該閘官呈報究治

雍正十年

一山東開河定例糧船盛行之時官商民船俱令隨漕過開如各開開官有越漕啟板洩水悞漕者將該開官咨部斥革外其該管廳員不行稽查以致悞漕者降一級畱任如曲爲迴護徇隱不報者降三級調用仍照舊例將重運糧船盛行之時官民等船俱隨漕打放不許逼勒開開緣由頒發告示刊刻木板豎立各開永遠遵

行

乾隆二年